



Aningaasaqarnermut Aatsitassanullu Naalakkersuisoq

Ulloq: 28. september 2016
J.nr.: 01.31.06/16-00733

Aningaasaqarnermut Akileraartarnermullu Ataatsimiititaliap sisamangornermi ulloq 22. september 2016-imi aalajangiineranik Naalakkersuisunut ilisimatitsineq.

Pensionisianut akileraartarnerup suartinnissaanut atatillugu akileraartarnermut akissarsianullu ataqatigiissumik aaqqissuussinerup ineriartortinneranut aningaasaliissuteqarnerunissaq pillugu ilassutitut aningaasaliisoqarnissaanik qinnuteqaat – Suliaq nr. 01.31.06/16-00733.

” Naalakkersuisut inassutigaa,

- konto pingaarnermi 20.11.50-imi Ingerlatsinermit sillimmatinut tunngasumi, aningaasaliissutit 1.000.000 kr.-inik ikilineqassasut
- konto pingaarnermi 20.30.01-imi, Aningaasaqarnermut Sulisoqarnermullu Aqutsisoqarfimmut tunngasumi, aningaasaliissutit 500.000 kr.-inik amerlineqassasut aamma
- konto pingaarnermi 24.01.01-imi, Akileraartarnermut Aqutsisoqarfimmut tunngasumi, aningaasaliissutit 500.000 kr.-inik amerlineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Atuinerussutaasussatut naatsorsuutigineqartut ingerlatsinermit sillimmatinit aningaasanik nuussinikkut matussuserneqarnissaat Naalakkersuisunit inassutigineqarput. Aningaasartuuteqarnerussutit ilaatigut akissarsianut sulisussanillu atorfinitsitsinermit aningaasartuutitut aamma ataqatigiissumik aaqqissuussamik IT-ip ineriartortinneranut aningaasartuutitut atorineqassapput. Ataqatigiissumik aaqqissuussamik IT-nik pisariaqartumik ineriartortitsinerup maanna aallartereernissaa pisariaqartoq Naalakkersuisut paasissutissiissutigaa, tassa aningaasarsianit akileraarutit pillugit Inatsisartut inatsisaata allannguutaa soraarnerussutisiaqarnissamut aaqqissuussinernut nunani allaniittunut akiliutit akileraaruserneqartaler-nissaannut tunngasoq 1. januar atuutilissamat.

Aningaasaqarnermut Akileraartarnermullu ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaatai Aningaasaqarnermut Akileraartarnermullu Ataatsimiititaliamit **akuerineqarput**.

Med venlig hilsen

Jens Immanuelson
Formand for Finans- og Skatteudvalget